

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



近代中國史料叢刊第四十九輯
沈雲龍主編

四
魂
集

易順鼎著

文海出版社
印行

易順鼎遺著

四

魂

集

魂北集序

生中原多事之日。天子宵旰。憤咤蒿目。雪涕殷憂於上。凡踐食毛土。受國恩深。不能奮身號名感激効死。屠礫夷羯以助張朝庭如天之威。已非壯夫氣矣。矧揚揚如平時。欲永保富貴爲妻妾子孫光寵計。不敢出一言發一策。至瘖瘖墨墨如偶人形。不能動音響。閉氣噤口。懼夫以憂悲謠歌諷諭感切者。蹈時網損宦達之趣。此其人雖闖闖賤備馬醫夏畦之傳。猶且忿唾。若忠誓匪席。矢死靡佗。鬱悒衷曲。發爲歌詩。至涕洟淋浪不可禁止。每當撫膺。一慟欲絕。固不可昭融盛朝之元音。少裨夫朝廷徒無聊之極思哉。余嘗懷哭庵。以彼絕奇之材。瑩鋒如干將莫耶。淬甘露。拂霓雨。燿燿若日。爛爛若電。若少委它以希用其材。宜無不如意。願當有窮然著書事耶。觀哭庵至以其詩鳴而益嗟嘆。夫古之人屈原賈生之徒。盡悲悼於楚漢之朝。而哭泣無已也。哭庵之哭。非爲詩也。其詩太白所能也。其脫屣顯官去不顧。猶太白也。白從李臨淮軍病不果行。哭庵今從軍渝關有去志。要其忠孝之至性。乃白所未逮者。其詩哭。其自號焉者亦曰哭。何悲之深耶。然哭庵自其髫髻時已字哭庵。則余僭弗能知矣。時乙未春季。英山鄙人王鐵珊再拜謹上言。

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



魂北集序

昔明湯卿謀有言。人生不可不儲三副淚。一哭天下事不可爲。一哭文章不遇識者。一哭從來淪沒不偶佳人。當時以爲至言。予謂特書生見耳。夫北門傷貧。終風怨暴。所感一身。何關得失。人生不可少之淚。孰有大於天下事不可爲者乎。易君實甫。與予不相見。忽已九年。自其失恃廬墓。誓以身殉。自號哭盒。聞之心靈然傷之。客歲海氛不靖。督師南來。實甫奉嚴親命。墨經從軍。復與予相見京邸。握手道故。悲不自勝。久之思有所指陳。自附於魯縵恤國之義。而勢格形禁。卒不得請以去。既乃哀近作七律詩若干首。都爲魂北集一卷。而以命序於予。嗟呼。予固知實甫深者。其又奚敢以不文辭耶。噫。實甫少負奇稟。識與不識。莫不推爲神仙中人。其通敏神儻。似長源長吉二李。而其憔悴婉篤。則又似衛叔寶。所著詩古文詞。哀均頑艷。往往令人泣下。蓋先猶有卿謀之見者存。迨中年學道。蚍蜉軒冕。舊時結習。遂能一掃空之。使或板輿無恙。故山可懷。固將優游養志。自放於三湘七澤之間。嘯歌不足，奚以哭爲。卽不然。而生際隆平。罔極之痛。盡人不免。極之臯魚立槁。亦要自傷哭泣。何與人事。然則人生不可少之淚。孰有大於天下事不

可爲者乎。今茲寇入益深。九重旰食。死綏之士無聞。乞和之使叠出。將來奮迹澗池。當軸之責。誠非小臣所敢輕議。實甫願以三年殉母之志。出而效命疆場。時局艱危。卽求一馬革裹屍。且不可必得。至蓄其一腔熱血。感激憤發。吐爲驚天泣鬼淋漓放縱之文。致令讀者掀髯奮袖。爲之悲泣無端。俛仰自失。而孰知其滿紙皆淚。幾不復著一墨痕也。嗟乎。實甫。予誠不願卒讀君詩。其又烏能以序君詩。行矣自愛。堯舜在上。苗格有時。爲予卜舍善卷之洞。釀酒招屈之亭。佗日挂冠神武。把臂竹林。行當破涕爲笑。從君讀中興浯溪頌也。予日望之矣。光緒二十有一年二月晦日。武陵王以敏。

四魂集

易順鼎哭龔

卷一：魂北集詩一百九首

感事書懷八首

甲午七月

羽書絡繹出三韓。又報倭奴起釁端。九葉藩封周正朔。千年禮樂漢衣冠。枕戈將士忘身熱。嘗膽君臣念齒寒。萬聖英靈在中夏。定教復衛有齊桓。

袞袞諸公滿漢京。不應無計奮升平。已看東帝連西帝。猶自南兄倚北兄。騎虎勢難今日下。屠龍技早昔年成。版泉涿鹿天王事。莫道皇家總厭兵。

蓬萊宮殿水中央。太液煙波接莽蒼。兵氣遙通威海衛。邊愁暗入倚虹堂。似聞春色仙桃飽。誰信秋聲若木涼。欲得長生萬年藥。何時弱水變瓊漿。

象雉來庭路不迷。何年卻隸大荒西。自從瘴海鯨鯢擊。久失炎洲翡翠棲。東望神山空黑子。南看屬國闕雕題。漢家尚有瀕祠在。頭白王褒祀碧雞。

西山北海接迢遙。金虎宮鄰匪夕朝。宿將新亡班定遠。雄邊誰是李文饒。匈奴附漢形翻弱。安息通秦勢更驕。今日中朝懷舊相。湘陰門第且蕭條。

漢南種柳發新枝。司馬風流海內知。人望救時賢宰輔。公如入定老禪師。神州赤縣常深念。魏闕滄江有坐馳。作繭自纏今數載。馬鞍山下鬢成絲。

尚書昔日鑄金枷。時論紛紜物望賒。近喜三湘除伏莽。新聞六郡選良家。籌邊馬援曾留柱。奉使張騫好泛槎。垂老功名要橫海。不須回首望長沙。

萬古春暉付逝波。機聲鐙影斷腸多。久甘鄭綬爲松柏。豈但王裒廢蓼莪。杖履東山猶好在。觚棱北極更如何。沈湘蹈海終當決。願效汪童一執戈。

上海感懷今昔示申報館諸人六首

九月

猴兒年到馬兒年。家國茫茫有變遷。蒼狗白衣悲世事。青牛紫氣愧神仙。十年杜牧揚州夢。三度麻姑滄海田。漸欲將身化黃土。尙來搔首問青天。

舊交痛哭李芋倪程。聚首須臾異死生。酒客詩人葬龍虎。頑仙才鬼跨

鸞鯨。黃公壚若山河隔。青史名難天地爭。帶水拖泥吾倦矣。亦思撒手御風行。

昔見錢侯伯已老蒼。萬言落紙挾風霜。揚州何遜桂爲儔侶。江夏黃童夢與

頡頏。薄海人知公論在。中華氣賴此賢昌。匹夫言可法天下。努力尊周師素王。

天南遜叟王近如何。齒豁頭童十載過。我似丁威反華表。君如子訓撫銅

駝。居然魯國靈光殿。到處堯夫安樂窩。闢道風懷仍未滅。日揩老眼對梨渦。

昔日周郎意氣豪。醉中睥睨古神皋。天吳紫鳳爲奇服。含景蒼龍有佩刀。三十功名塵與土。五千道德粕兼糟。而今萬卷都無用。日誦金經當楚騷。

尻輪神馬四天下。炙輠雕龍九大州。狗腳紛紛自稱朕。羊頭袞袞盡封侯。生民漸有倒懸厄。天子能無下殿憂。佛眼看來可悲憫。那禁獨立淚橫流。

舟泊閩門作

金閩門外哭秋雲。城郭荒荒水二分。何不學仙丁令語。自然流涕子山文。江南有地堪埋我。天下無人尙識君。猶有故交三兩在。吹簫市上一相聞。

柬吳中朋舊四首

不知今日是何緣。忽復騰雲到海邊。魯叟喪家身類狗。蜀人望帝魄成鵑。思親故國三千里。弔夢空江二十年。呼遍楚天渾莫應。可能呼得應吳天。

纔見江南便涕零。江南如夢幾回經。皋魚立槁吾慙子。遼鶴歸來客姓丁。未死須先收腳迹。雖生不復有魂靈。詩成莫作新詩讀。只作秋墳鬼唱聽。

慈恩罔極報奚從。此恨難隨歷劫終。尙有心肝存世上。眞無面目見江東。沈湘負石盟當踐。墳海移山事豈空。怕見故人相慰勉。亦知堂上有衰翁。

撫今追昔酷傷懷。反覆思量覺死佳。鴻墓好爲容膝廡。虎邱堪作捨身崖。故人愛我宜生祭。造物憐余儻活埋。葉落歸根狐正首。蘇州是否小眠齋。

爲敬慕家慈遺像寓居上海蕭寺中感事書懷成長句十首

十月

海上秋風分外涼。況兼秋盡滿天霜。江潭搖落樹如此。鷓鴣哀鳴草不芳。猿嘯三聲三下淚。溪流九曲九回腸。沈憂已足催人死。那更蕭辰滯異鄉。

簫寺生涯借榻眠。英雄末路一枯禪。無人對哭惟呼佛。有路尋親尙感仙。

江西白仙

亂境知老母天上消息將往訪之 桑下浮屠留宿地。蘆中窮士渡江年。空階萬葉如人走。問爾歸根何處邊。

舞戚刑天力不任。眼看胸隙去駸駸。死灰槁木無生意。海水枯桑是寸心。已覺身輕如委蛻。豈能頭白作冤禽。勞歌那要他人和。烏自鳴哀獸擇音。

夜覽陳編感逝川。漏舟焚屋豈安便。楚囚對泣因沈陸。杞國含愁爲墜天。雌鳳雄龍曾北走。銅駝金狄有東遷。百年何暇憂千歲。況我人閒賸兩年。

彷彿咸陽大道旁。車雞馬狗一降王。送行衣爲荆卿白。歸里冠非信國黃。返骨故山依拱木。回頭弱水拍扶桑。君親家國無窮事。分付寒鴉點夕陽。

蟠胸奇氣尙成虹。吐出千磨百折中。人海漫愁如漆黑。天門須信有鎊紅。九霄終辦雙親聚。萬古都從一笑空。自負大鵬希有鳥。休憐此豸可憐蟲。

一別音容欲兩春。苟延性命爲嚴親。母兮願復生成我。某也東西南北人。三十七年渾似夢。四千餘里更傷神。黃泉若不能相見。誓到黃泉再隕身。

聞道中朝又議和。汪童無命執干戈。傷心帝子秋風客。滿目羣公春夢婆。燕雀處堂聊復爾。龍蛇起陸竟如何。君王丈二爰能借。化作沙蟲矢靡他。

前囚曾種幾多回。後果千秋自此開。滄海桑生王遠見。邯鄲梁熟占仙來。百年身世眞皆幻。萬古乾坤樂亦哀。不共昆明劫灰滅。丹光爛爛是靈臺。

二十年前易實甫。而今自號哭龔僧。頭顱未化西山雪。肝肺先成北海冰。下弔齊桓上帝譽。楚詞大招云上推遠慙柳惠近孫登。遠慙柳下近愧孫登此身行作閻浮土。媿

欲重搏恐不能。

李眉生丈寓上海詩云誰知曼衍魚龍國亦有溟清蟋蟀牀李未必有

此牀似爲余詠耳因廣其意別作一首

入裸國聞神禹裸。飲狂泉使伯夷狂。誰知海蜃噓樓閣。祇爲天龍作道場。鄒衍虛無九赤縣。幼安自有一藜牀。凄清曼衍何分別。老子婆娑已坐忘。

贈普陀華文禪師

南有華文北華蓋。滿洲蒙古兩奇僧。昔談葱嶺嗟難到。今訪蓮洋恨未能。天外飛來一煙笠。人閒過去萬風燈。逢師便欲相從好。海水黏空倚瘦藤。

慈聖萬壽節滬市燈火甚盛感賦一首

知是蜉蝣是蠅蛄。紛紛六道與三塗。鴛鴦福祿春燈謎。魑魅神姦夏鼎圖。火鼠燭龍燒互市。烽狼燧象照陪都。時倭寇猖獗遼滌戒嚴此時強制蒼茫淚。不學王孫泣路隅。

金陵上劉峴帥四首時以倭警被召

巍然一柱是天留。南北皆分聖主憂。人料苻堅難勝晉。帝知周勃可安劉。精忠

豈作和戎使。偉略當超定遠侯。更爲曾胡彌闕憾。永攘夷狄奠神州。

強鄰逐逐復耿耿。虎子須從虎穴探。率我八千新子弟。驅他五百舊童男。夏人
懾宋惟韓一。楚國亡秦只戶三。今日湘軍盛天下。海東吹角達江南。

先帝親裁大政初。明公賓榻正留徐。

同治初年家君請餉江
西峴帥留居撫署旬日

開尊屢飲郇廚饌。贈策

還抽鄴架書。

皆當日事

魏闕江湖千里外。桑田滄海廿年餘。空山老鶴懷威鳳。敬向雲霄

問起居。

瞻韓御李感難禁。稊觸生平淚滿襟。墨經從戎思裹革。黃冠歸里豈甘心。功名
慷慨留皮豹。身世蒼茫擇木禽。欲執干戈負弓弩。前驅直入陣雲深。

舟泊維揚作

秦川公子乍依劉。吹角連檣興壯游。眼底江山纔建業。夢中燈火又揚州。重華
碧柳重魂斷。一步紅橋一淚流。萬事都堪摧肺腑。惟應速死可銷憂。

舟中卽事再上峴帥二首

經綸八表著雲雷。助業三朝望斗魁。童叟聚觀溫國入。華夷羅拜令公來。連營

細柳如新沐。夾道甘棠是舊栽。江北江南齊頌禱。明年早破蔡州回。

廿年雙鬢久成銀。更向舟車閱苦辛。十萬甲兵雖滿腹。八千子弟未隨身。難將赤手回天地。獨有丹心動鬼神。國事艱危宸眷重。願公加意保松筠。

和峴帥贈詩原韻二首

外王內聖比劉因。露月光風度可親。玉帳三千環虎旅。金壺十二選龍賓。除齊獄市無他寄。用曹參事就舜冀牆有特陳。東閣綸扉北門管。好襄九陸固重闈。

感懷流涕匪無因。萬里馳書慰老親。幸比梁公門下士。敢云王令幕中賓。尸當裹革沙場葬。血可披肝黼座陳。苦塊餘生墟墓客。豈期重覩鳳城闈。

邗溝淮陰道中詠古蹟四首

蕪城一賦弔南朝。來聽秋墳唱鮑昭。有限春光化塵土。無窮淚雨作波潮。過江兵馬狸終斃。亡國河山鼠亦妖。廿四橋頭迎客柳。不堪流涕更攀條。

龍舟鳳艦久成塵。煬帝荒隄草不春。殿脚至今猶婦女。露筋前代有神人。鬚眉照水吾多媿。節義如山史所珍。悄悄憂心慍羣小。誰知玉汝是雷轟。

昔賢幾輩竭臨宮。淮海秦郎亦復同。蒼狗白衣浮世幻。青蠅貝錦謬人工。藤陰
夢醒花迷路。天外雲連水拍空。太息文游臺上客。一生常在百憂中。

一飯報恩忠可想。萬家置冢孝何如。竟同鵬舉死冤獄。無怪馬遷修謗書。隆準
龍顏真鍍薄。重瞳猿臂共欷歔。英靈若在應知我。對哭韓江暮雨餘。

感事書懷四首

四郊環壘辱如何。一柱擎天愧已多。滄景未收唐節鉞。燕雲竟損宋山河。中朝
黨誤牛僧孺。西域胡譏馬伏波。時論吹毛終太刻。世蕃未必果通倭。

方叔助餓海內知。新承玉詔赴丹墀。布衣臣本南陽者。冠冕人皆北斗之。吹垢
大風占帝佐。來蘇時雨應王師。連日風雨行軍司馬多韓愈。早辦平淮絕妙詞。指同行徐進齋王紹言諸君

非熊大老叶鷹揚。何幸微軀附末光。元禮龍門聲價倍。仲尼驥尾姓名彰。鞭撻
後著人先我。爰幕前驅伯爲王。欲報君親與知己。男兒端合死沙場。

墨經祥冠一罪人。早將死志告明神。水漿入口如周粟。苦塊隨身是越薪。敢慕
虎頭兼燕頤。幸攀鳳翼與龍鱗。玉門不作生還想。無定河邊別有春。余痛母誓不欲生願提一旅效死

司吾題壁四首

醫閭重鎮接居庸。列聖經營有舊蹤。此日盟猶存白馬。何人塞欲賣盧龍。雲連蓬島朝成墨。火照松山夕舉烽。回首承平三十載。元戎談笑久雍容。

黃金十萬養桓桓。兒戲翻同瀾棘觀。海上魚龍真跋扈。淮南雞犬豈平安。二東瘠土壺漿困。三北殘軍器械殫。堪笑陳豨諸將領。賈人子亦復登壇。

羽檄徵兵日夜過。貔貅萬隊荷瑠戈。神靈拱衛雄三輔。忠義聲名動兩河。上郡防胡需魏尚。中朝用趙倚廉頗。同袍累世蒙恩豢。休唱遼東浪死歌。

隋末王薄作

陪都莫任虜氛侵。天祖憑依望捷音。石馬汗流唐祚永。銅駝淚下杞憂深。星臨吳分堅當敗。雪滿淮西濟可擒。我請長纓敷墨經。悲歌涕泗欲盈襟。

山東境遇雪感作

淮徐行盡驛程長。九點齊煙接莽蒼。雞唱一聲天已白。馬通三尺地皆黃。南鸞欲別重回首。北雪初逢更斷腸。不敢思量今昔事。寸心難敵萬滄桑。

讀進齋觀察和詩有感疊韻奉留二首

忍貪人世百年長。爲念嚴親兩鬢蒼。天末望雲華愧白。軍中遇雪竹歌黃。投膠

挾纒皆流涕。叱馭回車總斷腸。莫怪兒心如寸草。難將母腹當空桑。

萬事隨人論短長。寸衷耿耿告穹蒼。晉侯經爲從戎墨。信國冠難返里黃。虎口何如葬魚腹。去年六月投湖不死馬蹄豈尙畏羊腸。出師未捷吾甘死。不戀成都八百桑。

贈進齋三疊韻

才兼學識備三長。生長幽燕更老蒼。足跡縣窮鄒衍赤。嘗隨使日美秘三國舌鋒屋去趙佗黃。使裝舊屏金銀氣。詩筆新窺鐵石腸。君策六鼇吾附尾。相期濯足在扶桑。

感事四疊韻

漢家火德與天長。推運猶傳計相蒼。猾夏蠻驕亂朱紫。窮冬龍困戰元黃。薇丁已竭千家血。呼突難充萬卒腸。攻守無方和議起。似聞時論欲烹桑。

蒙陰縣地曰公家程者似取杜老出塞詩公家有程期之意思而賦詩

簡書能使鶴猿驚。介冑還愁蠶蠶生。無定河邊思裹革。太行山下怕停旌。白雲空灑思親淚。黑水難聞喚女聲。歲暮天涯堪痛哭。豈知身在亞夫營。

蒙山下有天齋廟解鞍小憩感而有作

眼底東蒙八九峯。坐旁前代兩三松。荒祠土偶紛無數。斷碣苔花積幾重。防墓涕流傷孔轍。滄溟指點盡堯封。此身畢竟歸何所。待上天門跨白龍。

題壁二首

熊羆貔貅欲東伐。鴻雁烏鵲俱南飛。相頭上冠將腰箭。母手中線兒身衣。一木難支大夏屋。寸草豈報三春暉。可以無死可以死。何忍不歸何忍歸。

一北再北羽書急。小東大東杼柚空。其惟雲乎雨天下。何多日也露泥中。父曰母曰尙無死。叔兮伯兮靡與同。魚柏堪憐鬱冬日。瓊子嘆魚拂鬱兮柏冬日 鱸葦難戀哭秋風。

羊流店有羊叔子祠余已三過此

峴首碑曾拂薜花。羊流三度又停車。鶴談曠昔千秋事。燕入常尋百姓家。五馬渡江君不見。一龍戰野我方嗟。人間興廢空塵土。掩淚荒祠落日斜。

重見泰山一星終矣上石無情能享十二萬年之壽余憂患餘生亦思

化爲此物不知造物許我否也感賦一律

十年留命已辛勤。重見靈山映夕曛。魯叟涕流防墓雨。梁公魂斷太行雲。前塵恍隔三千歲。舊友如逢七二君。願把精誠通帝座。九霄歌哭本相聞。

曉發崔莊望岱

昔年晞髮向陽阿。今日重來是枕戈。立馬岱宗青未了。聞鷄天下白如何。帝京北望雲遮日。海國東看雪捲波。胸次携將千塊壘。欲持相對比嵯峨。

泰安令毛激蜀中名翰林也余在都門嘗相往還今過所治以詩示之

故人文學比王褒。一出承明祀奉高。黃帝畫圖公玉帝。素王書識卯金刀。我經憂患空皮骨。君向雲霄惜羽毛。已視閭閻作兒女。豈徒奴僕命風騷。

齊河道中將渡黃河卽奉書懷四首

萬里辭家祇一身。故山魂夢總酸辛。回頭赤道偏南處。轉眼黃河以北人。蜀犬

吳牛驚日月。越禽代馬悵風塵。健兒爭唱從軍樂。誰識書生淚滿巾。

出門四望煙塵黯。今我重來雨雪霏。烏兔東西互奔走。燕鴻南北各分飛。芎藭幸免河魚困。苜蓿惟宜塞馬肥。身在人間難獨活。母從天上寄當歸。

尙存一息敢偷閒。爲替爺征閱險艱。朝去黃河暮黑水。雲橫秦嶺雪藍關。生當火色鳶肩上。死不烏頭馬角還。壯志饑餐胡虜肉。長車踏破賀蘭山。用岳武穆成句

人來岱岳陽春脚。水出崑崙大夏腰。用西域傳履瀝瀝施鱗潑潑。車麟麟過馬蕭蕭。

河氣壯周王兕。入蔡寒侵晉國貂。舸艦黃龍更橫海。饒歌朱鷺早平遼。

泰安道中感懷題壁二首

苟活人間欲兩年。豈知脚尙插齊煙。重看鵠面鳩形狀。一了牛溲馬渤緣。衣薄未如原見肘。飯疏猶勝武吞氈。覩顏視息吾滋疚。況對饑寒滿眼前。

急景凋年抱隱憂。更因陳迹淚難收。蓬萊海上三千歲。荆杞山東二百州。雪窖冰天前路永。雲階月地此生休。捐軀留命俱難決。存沒傷心兩白頭。

集成語二首

我徂東山別西土。王命南仲城朔方。其雨其雨杲出日。日歸日歸歲亦陽。府收黃龍郡元菟。闕指丹鳳河白狼。鸛鳴婦歎于垤室。馬瘠僕痛彼岨岡。

敦彼獨在宿車下。微君之故胡泥中。黃竹作歌道遇雪。白檀弭節天多風。米浙矛頭飯草草。墨磨盾鼻詩怱怱。虎頭食肉生何壯。馬革裹尸死亦雄。

雪後宿李寨

大河北去奔風煙。泥潦縱橫陌復阡。獨樹荒村愁子月。杜詩荒村建子月獨樹老夫家冰天雪窖痛丁年。曹公赤壁烏空繞。韓叟藍關馬不前。莫爲饑寒損奇氣。神州方仗祖生鞭。

德州

十四年來短夢過。層冰飛霰又峩峩。惟民所止畿千里。與女游兮古九河。南北風雲俱縮澁。東西日月似奔梭。微軀不化燕齊土。奈此茫茫大塊何。

感事

澤腹難堅水脈通。微冰無待擊沖沖。江南鸚鵡初踰濟。海上鷄鷓競避風。鶴語

今年時令異。烏知屋底達官空。五陵佳氣猶龍虎。爲告諸君且自雄。

南運河舟中雪夜月明感而有作

微命如絲媿久延。幾經歲月幾山川。月雲鄂國八千里。冰雪蘇卿十九年。那敢回頭望荆楚。已拚埋骨向幽燕。江湖舊夢堪流涕。豈意今隨下瀨船。

再疊前作長字韻一首

已覺辭家歲月長。關河四望迴蒼蒼。歸雖有日烏頭白。信比無雷犬耳黃。丙舍墓田終聚首。丁沽水道似回腸。將書爲謝人間世。息壤因緣在廣桑。

將抵天津作

津門望見乍心驚。八載重來是隔生。塞上短衣隨李廣。江南枯樹感蘭成。鳶肩火色賓王相。鶴唳風聲太傅兵。身事已非人事改。愴懷家國豈勝情。

疊延字韻一首

流光轉恨太遲。仰羨浮雲俯美川。犬吠雞鳴忘晉代。龜言鶴語記堯年。天涯冤魄終思蜀。堂上親心定夢燕。淮南子云適子吟于燕慈母夢于荆此二語似爲余今日而設然余今日則慈父夢于荆慈母夢于天上矣嗚呼行盡江南將到海。猛驚雪已壓漁船。行到江南知是夢雪壓漁船宋人浪淘沙詞也今日冰雪官河天寒歲暮正與詞意相合

阻風阻冰泊唐官屯

夜火荒屯近獨流。同雲勢壓一扁舟。蔽河而下冰如馬。在水之涯土作牛。河隄積土

名曰土牛黃運各河皆如此野渡風黃人寂寂。戰場月黑鬼啾啾。地爲同治年間官軍擒匪戰場聞雞欲學劉琨舞。借取長戈當枕頭。

贈王紹廷

宣曲長楊俠少年。元瑜書記本翩翩。能談澤潞兵三萬。更醉新豐酒十千。金爵雲中瞻魏闕。黃龍雪後勒燕然。征東同舍鸞鷺侶。征東同舍鸞與鸞鷺山句也好撰韓碑柳雅篇。

余自銜慈恤卽以死自誓然父老矣遽死恐傷其心今奉命從戎若馬草裏尸固幸事也家惟一弟一妹一妻一妾預作此訣別

瘴江收骨痛昌黎。他日應教弟妹攜。喚女惟聞木蘭父。哭夫不顧杞梁妻。與諸君飲黃龍耳。若有人乘赤豹兮。轉眼驚啼好時節。春闈切莫夢遼西。

跨驢行五十里至解海途中書所見

滕大異二尙關虎。

殘雪未消朔風甚厲

鄭五魏三當騎驢。

唐鄭榮宋魏野皆有騎驢事

河冰已厚八九寸。海

水先寒七十沽。來鴻去燕似梭織。

諸軍有南來者有北來者絡繹不絕于道

北馬南船如畫圖。袖中詩卷雄心

在。夢裏家山淚眼枯。

津門感舊書懷柬于兄晦若四首

苦肉餘生涕淚零。尙貪粗糲養殘形。麻鞋詣闕懷詩史。墨經從戎媿禮經。丁令威真返遼海。申包胥合哭秦庭。醞醪桑落中山製。乞取長眠不願醒。

故人已老賈生才。猶戀梁王雪夜杯。精衛惟思填海水。爰居豈肯避風災。茫茫世事如山嶽。衰衰諸公自省臺。淚盡河梁分袂後。八年笑口幾曾開。

骨化形銷久不支。微軀雖在命如絲。重追燕后明妃謔。怕記周郎陸弟詩。天末去雲蒼狗變。人間來日白駒馳。與君此會須珍重。後會他生未可知。

行三萬里求龍伯。望九重門近鳳巢。李怨牛恩朋黨論。桃生羊死賤貧交。龍聲紫色方爭漢。馬角烏頭未返轂，我已忘軀甘裹革。君應續骨與煎膠。

曉行口號

不龜手藥可救宋。如雞栖車且游燕。非惡聲也喚起舞。其正色邪催著鞭。在冰上行渴飲雪。坐沙中語飢吞甍。魂銷北風嘶代馬。淚灑南雲啼杜鵑。

至天津聞和議卽日赴關上書有作

投袂登車氣慨慷。風雲色變蒯緱裝。仲連矢志沈東海。孟博甘心葬首陽。裹革尸當糜作粉。衝冠髮亦鍊成鋼。餘生步步推驢磨。淚灑黃圖落日黃。

感時四首

漢家十世屢中興。復旦重光信有徵。其雨固知將出日。已霜猶未遽堅冰。似聞文帝寬黃屋。每念高皇困白登。天祖式臨王業遠。寄言夷狄莫侵凌。

元老籬邊鬢久蒼。卑梁曾未弭爭桑。耐金罰已寬荀彘。盈篋書都示樂羊。肯事

春農王相國。漫同秋壑賈平章。故宜湯沐歸兵柄。身坐中書政事堂。

成王郭相共乾乾。祖述劉琨亦著鞭。慶歷眾賢之進日。元和惟斷乃成年。深衣獨樂徵溫國。挾纊諸軍泣奉天。青眼高歌洗兵馬。一身不恨壑溝填。

嚴冬冰雪滿旌幢。荷戟長征近帝邦。鱗甲玉龍三百萬。觚棱金爵九重雙。雲開孤竹朝臨塞。日照扶桑夜受降。有客南冠甘效死。淚痕盈背血盈腔。

抵都感賦四首

乞天碾骨作車塵。骨盡成灰恨始湮。東海固應深葬我。西山猶自冷看人。空流身世無窮淚。難報乾坤有限春。夢裏豈知還到此。恍乘神馬駕尻輪。

餘生猶戀聖明朝。多謝巫陽賦大招。脚底六鰲波瀾洞。眼中雙鳳闕峒峒。鵲啼萬里魂歸蜀。鶴化三生魄返遼。苟活人間原有覩。祇應留命與天驕。

雕鞍走馬說長楸。一上公車二十秋。慘綠少年真似夢。飛黃騰達早拚休。重瞻金爵頭堪白。未撫銅駝淚已流。回首春衣慈母線。那能忘殉壑兼溝。

誓向人間住兩年。何心更賦帝京篇。麻姑已見三揚土。楚客惟思一問天。塞雁江魚淹日月。越禽代馬隔風煙。欲回首處難回首。痛哭寒雲暮靄邊。

都門感舊書懷贈王兄夢湘四首

京洛承平兩少年。當時罪狀在金荃。同標南國無雙目。各寫東皇太壹篇。日下雲間爭跌宕。露初星晚致流連。鬢絲禪榻青春夢。化作茶煙與藥煙。

羨爾長安奉板輿。玉堂天上故人居。汗青東觀呼仙犬。眉黛西山喚蹇驢。畫壁雙鬢王賭酒。閉門半臂宋修書。碧雞持節歸金馬。也出平生涕淚餘。

別後風塵眼倦開。昭王臺換孝王臺。死遭黃祖翻爲福。生嫁烏孫倍可哀。胡地草青曾寄語。匡山頭白早歸來。誰知萬念成灰後。尙被天公溺死灰。

執手相看痛哭頻。殘軀豈意蹋京塵。真同一隻遼東鶴。不是三千界裏人。蘇武丁年長墮淚。羲之內舍更傷神。君如愛我宜生祭。早結他生未了因。

黃小宋太守汴中故人也相遇京師感贈二首

餘生性命等鴻毛。回首金梁月正高。春夢婆知蘇內翰。秋墳鬼唱楚離騷。杜逢崔九堂前李。劉感元都親裏桃。今日遇君惟有哭。卻還收淚慶三刀。

五載梁園事若何。似聞屢唱定風波。揚塵海水生桑樹。看奕仙山爛斧柯。蒼狗

浮雲真不少。白鷗舊雨亦無多。願君勉建千秋業。人世光陰只剎那。

贈安侍御維駿和夢湘韻

一伏青蒲國體尊。豈隨世態作寒溫。冰霜日月皆天眷。雨露雷霆盡聖恩。終見朱雲能悟主。不勞宋玉與招魂。賜環百日先朝事。嘉慶初洪亮吉事重向丹階印膝痕。

和小宋太守二首用原韻

多君爲我頰添毛。刻畫無鹽價轉高。誓墓肝腸空斷絕。入山鬚髮久蕭騷。匡廬舊隱懷仙李。楚國窮途念伯桃。回首夷門渾似夢。記曾朱亥鼓屠刀。

麻鞋墨經意如何。息壤盟言在海波。虎穴能探身是膽。龜山欲去手無柯。拚沈白馬悲方釋。不飲黃龍恨總多。楚些招魂吾分定。望君清廟頌猗那。時余請前驛出關峴帥未許

喪禮有鹿裘之文殆謂鹿裘也余嚴冬北行不敢服裘笠堂舅夢湘兄

憫其以寒致疾各贈羊裘一襲賦此志悲

重棉在御久顏頰。鐵甲何如十萬兵。縫線遲遲游子淚。綈袍戀戀故人情。裹尸
馬革知何日。對泣牛衣畢此生。溝壑殘軀甘凍餒。愧君猶念歲寒盟。

魂東集序

哭龔大師幽居母服。仄聞主憂。哀思清霄之表。精越廣漠之野。壹氣孔神。撫情効志。去郢東遷。進路北次。存子推之餘年。抗申徒之曩節。毛錐未擲。手纓自戛。請劍之奏留中。執父之驅不前。發軔天津。騎霓南土。橫海徒壯。下亭終旅。玉關生度。願違棄繻。金庭幽通。問託呵壁。精衛寃結。怨水罔填。嵩周淚漸。忿泉斯涌。氣繚轉而自締。思蹇產而弗釋。夢登天而無杭。隨飄風之所仍。營營識路。皎皎往來。一夕九逝。大招四方。廓抱景而獨倚。中抒懷以屬詩。斫地促響。切雲長號。因魂所遊。厥篇以名。嗚呼。繪漢陽之板蕩。惟主悲哀。愴河上之逍遙。何期功業。心寒魴燬。血熱鼠思。聖車逐逐。養空以流。縞袂綉綉。投淚而噴。望長沙而不返。泉魚待枯。睇靈嶽以永謠。梁鴻有寄。所遇屯如。其氣悲哉。谷神未死。山鬼時來。慷慨歌燕。淒壯激楚。杜甫七哀。蘭成一賦。窮者達言。勞者述事。興感幃幄。足備輜軒。豈徒孤憤。聊寫公忠。曩維蘿背秋萎。草心春短。蛇年起起。烏夜嗚嗚。中郎之廬墓。白兔猶馴。王母之增城。青鳥不至。眷眷天闔。淒淒人海。每亟殉身。僅爾留命。希彭咸以並蹤。勸劉潛而欲絕。親喪罔極。時艱

又叢。瀛洲波沸。韓京陸沉。扶桑燭火。燎東海之原。孤竹虛墟。隕西山之涕。軸
轡黑燄。燒殘柳城。櫓槍白芒。黯凌榆塞。匈奴侵邊。甲士出戍。陳戲兒之軍。八
公雞犬。老勤王之兵。三戶貔貅。樞密內奸。節度外宄。莫擣黃龍。竟逞白馬。藩籬
失固。畿甸胥驚。既構蒿目。足令棘心。煩冤憫憐。馳騁渺渺。身雖棲乎南國。神
已宅乎朔方。起舞半夜。激枕戈之情。誓清中原。決輿觀之志。申旦駕綱。甲蟲步
馬。同越石以共被。著士雅之先鞭。薄浮江淮。狂走幽薊。爰奮效死之氣。粵有告
哀之篇。阮生詠懷。謝公紀游。祇傷王室。詎悲身世。都爲一集。始號魂北。多魚
之師。漏於遼塞。唳鶴之警。偃于陪都。南榮靡期。東征云賦。歷太皓而右轉。過
句芒以前驅。上馬殺賊之豪。探虎得子之壯。唐山弭節。淪關稅車。元覽秦城。嘔
登魏壘。從戎墨經。公子依劉。當陣白衣。小軍知薛。佐雄鎮以參謀。請前敵而不
許。斧柯莫假。長喙龜山之陰。鼙鼓每聞。將老龍城之戍。上將靡戰。深宮和我。
露布莫草。髀拊丁年。雪衣皆靡。心酸子夜。上匡時之策。伏闕徒然。拜出師之表。
投筆已矣。陳志無路。離憂苦神。矚滄桑以愴悽。寓絲竹之陶寫。胡笳抒其沈蕩。
羌笛助其嘯吟。從軍之曲。出塞之聲。凌步王粲。抗懷陸機。非羈旅而無友。作
歌辭以相和。播之樂府。吹之中軍。墨志畫章。白行陳情。遠維前圖。近敷恆幹。